




फोहोरं दयेकूगु ज्वलं



विश्व शान्ति जुडमा : स्वयम्भु लिउने चाकः पुबुया दथुइ पलिस्था यानातः भगवान बुद्धया मूर्ति ।

(किपा : रमेश मानन्धर)

न्हिछि च्छि धर्ना

यें (सन्ध्या टाइम्स) / इलय हे संविधान च्येमाःगु माग यासैं न्हू वानेश्वरया संविधानसभाय् थौ न्हिनय् १ बजेनिसैं न्हिछि च्छि धर्ना यानाः लगातार २४ घण्टा धर्ना कीत्यंगु दु । नागरिक आन्दोलनया न्हयलुवातयसं थ्व धर्ना कीत्यंगु खः । इलय हे संविधान दयेकेमाः धासैं नागरिक स्तर संविधानसभायात दवाव की कथं थ्व धर्ना कीत्यनागु खँ आन्दोलनया कजि डा. देवेन्द्र-राज पाण्डे कनादीगु दु ।

किपुली पत्रकारिता व उद्घोष तालिम

यें (सन्ध्या टाइम्स) / किपुलि पिदनीगु 'न्हूगु सन्देश' वाःपौया ग्वसालय आधारभूत पत्रकारिता तालिम व कीर्तिपुर महिला संजालया ग्वसालय उद्घोषण प्रशिक्षण शुरु जूगु दु । किपुली आःया अवस्थायत ल्वःगु जनशक्ति तयार यायेत नापं पत्रकारिता ख्यलय पहुँच थ्यकेत उगु प्रशिक्षण न्ह्याकागु खँ धकाः ग्वसाः खलकं धाःगु दु । थ्व हे भवल्य देवराज महर्जनया अध्यक्षताय् किपुया पत्रकारतय् छगु पुचः दयेकूगु दु ।

थौ ४ पेज जक

विद्युतया गडबडी यानाः थौला ल्याः ४ पेज जक जुयाः पिदां सुचं बिसैं उकिया निति क्षमा फ्वनाच्छना । - ब्य.

थौया लुँवह बजाः

छपाबाल १० ग्राम ००००/-
तेजावी १० ग्राम ००००/-
वह १० ग्राम ००००/-
माघ १५ गते न्हिनय ३ बजे तक (सौजन्य : सुनचाँदी व्यवसायी संघ)

सरकार-संयन्त्र तनाव

संयन्त्र सरकार क्वःथलेगु ज्याय् लगे जूगु द्वपं

प्रम नेपाल बैठकय् मवं

सुजाताया धापू हे गिरिजाया धापू

यें (सन्ध्या टाइम्स) / सत्ता सञ्चालन व संविधान निर्माणया ज्याय् ग्वाहालि जुडमा धकाः दयेकूगु उच्चस्तरीय राजनीतिक संयन्त्र व सरकार दथुइ तनाव सिर्जना जूगु दु । थ्व आयोग दयेकेवं हे सरकार हिलेगु चर्चा नं पिहां वयेवं संयन्त्र व सरकार दथुइ थ्व तनाव ब्वलंगु खः ।

संयन्त्र प्रधानमन्त्री माधव नेपालयात आमन्त्रित दुजःया रुपय् दुथ्याकूगु खःसां वयकः आः तक छकः नं संयन्त्रया बैठकय् उपस्थित धाःसा जुयादीगु मरुनि । थुकि यानाः तनावयात अक्क ग्वाकेगु ज्या जूगु दु । थ्वहे भवल्य सरकारय् हे दुथ्याः उपप्रधानमन्त्री एवं नेपाली

कांग्रेसया सभापति गिरिजाप्रसाद कोइरालाया म्हाय्य मयजु सुजाता कोइराला थ्व सरकारया नेतृत्व हिले माल धकाः न्ववानादीगु कारण संयन्त्र व सरकारया थ्व तनाव अक्क तब्या जुया वंगु खँ धाःगु दु ।

संयन्त्रया स्वम्ह शीर्षस्थ नेतात मध्ये माओवादी अध्यक्ष प्रचण्ड ला न्ह्यापानिसैं हे सरकार हिले माल धकाः माग यानाच्चम्ह जुल । एमाले अध्यक्ष फलनाथ खनाल थःगु पार्टीइ हे सरकार त्वःताः त्यागया नमना

ब्येमाः धकाः विचाः तयादीगु खः । आः ल्यं दनिम्ह कोइरालाया विचाः छु खः धइगु सी मरुनिगु खःसां वयकःया हे म्हाय्य सुजाता कोइराला नर्कतिनि बृटबलय् सरकारया नेतृत्व हिले माल धकाः वियादीगु अभिव्यक्ति हे सभापति कोइरालाया नं विचाः जुडमाः धइगु अनुमान थन जुयाच्चंगु दु । माधव नेपालया सरकार वनी कि च्वनी धइगु खँ एमालें हे याइगु संस्थागत निर्णयय् निर्भर जुइ धकाः कोइराला न्ववानादीधेकूगु दु । एमालेया

संस्थागत पदाधिकारी धइम्ह अध्यक्ष फलनाथ खनाल हे खः ।

थुकथं संयन्त्रया निर्माण सरकारयात अस्थिर याना वीगु खः लाकि धकाः प्रधानमन्त्रीपाखें न्हापा हे यानाच्चंगु आशंका आः वयाः सत्य साबित जुइगु खः लाकि धइगु खं नं थन पिहां वःगु दु । सुचं धाः कथं संयन्त्र थोकन्हय् मेमेगु ज्या न्ह्याकेगु सिबें नं सरकार हिलेगु वारे विशेष रूपं खं ब्याकाच्चंगु दु । यदि संविधान इलय दयेकेगु व सत्ता नं बालाक सञ्चालन यायेगु खःसा वर्तमान सरकारया नेतृत्व परिवर्तन हे मू ज्या जुडमाः धइगु विश्लेषण माओवादी संयन्त्रया बैठकय् पेश यानाच्चंगु खं नं धाःगु दु ।

मन्त्री निषेध जुडवं कर्मचारीलिसे कचमच

यें (सन्ध्या टाइम्स) / आन्दोलन यानाच्चपिं स्थानीय निकायया कर्मचारीतयसं आबलि वर्तमान सरकारया मन्त्रीतयत स्थानीय निकायय् प्रवेश निषेध यायेगु नापं सरकार विरुद्ध नारा च्याः स्थानीय निकायय् तयेगु धकाः याःगु निर्णययात कयाः कर्मचारी व सरकार दथुइ कचवं पिहां वःगु दु । सरकार व मन्त्रीपाखे केन्द्रित जुइगु थज्याःगु निर्णय याःगु कारण वर्तमान सरकारय् दुगु नेपाली कांग्रेस व नेकपा (एमाले) नाप लिक्क लाःगु कर्मचारी संगठनया नेतृत्व व मन्त्रीतय दथुइ कचमच जूगु खः । स्थानीय निकाय संयुक्त आन्दोलन केन्द्रीय समन्वय समितिइ दुथ्यागु न्यागु कर्मचारी संगठनत मध्ये नेपाली कांग्रेस

नाप लिक्क लाःगु स्थानीय निकाय कर्मचारी यूनियन व नेकपा (एमाले) नाप लिक्क लाःगु स्थानीय निकाय कर्मचारी संघ नेपालया नेतृत्व व मन्त्रीतय दथुइ कचमच जूगु खँ छम्ह कर्मचारी 'सन्ध्या टाइम्स'यात कनादीगु दु । उगु समितिइ एनेकपा (माओवादी) नाप लिक्क लाःगु नेपाल राष्ट्रिय कर्मचारी संगठन स्थानीय निकाय नं दुथ्यानाच्चंगु दु ।

थ्व हे दथुइ स्थानीय निकायया कर्मचारीतयसं थनिनिसैं हे मन्त्रीतयत थःपिन ज्याकुथी निषेध यायेगु नापं स्थानीय निकायय् कर्मचारी एकता जिन्दावाद-अनउत्तरदायी सरकार मुर्दावाद धकाः नारा च्याः हाकूगु ब्यानर तयेत्यंगु दु ।

माओवादीया न्हूगु ज्याइवः

यें (सन्ध्या टाइम्स) / राजनीतिक गतिरोध अन्त्यया निति धकाः उच्चस्तरीय राजनीतिक संयन्त्र दयेके धुंकाः फ्यासुया वंगु आन्दोलनयात निरन्तरता वीत एनेकपा (माओवादी) थौ संघर्षया न्हूगु ज्याभ्वः पित वीगु जूगु दु ।

थौ च्वनीगु स्थायी समितिया बैठक आन्दोलनया ज्याभ्वः तयार याइ । माओवादीया छम्ह नेता आःया अवस्थाय उच्चस्तरीय राजनीतिक संयन्त्र सरकार हिलेगु नं खँ जुयाच्चंगु हुनि तःधक दवाव मजुइगु कथं जागरण अभियान थें जुइक कार्यकर्ता परिचालन यायेगु कथंया आन्दोलनया ज्याभ्वः पित वीगु जुइ धकाः जानकारी बिउगु दु ।

'नेतात वँय् जूसा जक आयोगं ज्या न्ह्याकी'

यें (सन्ध्या टाइम्स) / संविधानसभाया राज्य पुनसंरचना नापं राज्य शक्ति बाँडफाँड समितिया सभापति नापं एनेकपा (माओवादी) स्थायी समितिया दुजः लोकेन्द्र विष्ट मगरं धयादीगु खः - यदि आः वयाः नेतातयसं राज्य पुनसंरचना आयोगं हे फुक्क ज्या यायेमाः धाल धाःसा व धाःपिं फुक्क नेतात वँय् जुल धकाः थुइकसां जिल । राज्य पुनसंरचना समितिया सँछि व नीन्हयकः तक मूज्या च्वनाः वैज्ञानिक कथं राज्य पुनसंरचनाया मस्योदा प्रतिवेदन तयार यानागु खः धासैं आः उगु समिति तयार याःगु मस्योदायात कयाः आयोगं प्राविधिक रूपं जक भिंकेगु ज्या याये फइ धकाः नं धयादीगु दु । 'सन्ध्या टाइम्स' लिसे खँ ल्हायेगु भवल्य वयकलं न्हापा हे आयोग-

यात ज्या याकेमाःगु खः तर आः वयाः आयोगं ज्या यायेमाः धायेगु धइगु तसकं लिउने लायेधुंकेगु खँ खः धासैं यदि आयोग दयेकल हे धाःसां व सैद्धान्तिक खँ त्वःताः प्राविधिक खँ जक स्वःसा बाँलाइगु विचाः नं प्वकादिला । संविधान हे निर्माण मजुइमा धकाः सनाच्चपिसं आः वयाः हाकनं राज्य पुनसंरचना आयोगं ज्या यायेमाः धकाः धयाहःगु दावी यासैं वयकलं यदि अथे जूल धाःसा देशय तःधंगु ल्वापु जुइगु ख्याचः नं वियादिल । थोकन्हय् राज्य पुनसंरचना नापं राज्य शक्ति बाँडफाँड समिति तयार याःगु मस्योदायात कयाः संविधानसभाय सहलह जुयाच्चंगु दु ।

जिं छुं हे मसिउ : आयोग प्रमुख

यें (सन्ध्या टाइम्स) / तत्कालिन एनेकपा (माओवादी) या नेतृत्वय् दुगु सरकारं राज्य पुनसंरचनाया निति दयेकूगु राज्य पुनसंरचना आयोगया कजि गणेशमान गुरुङ नेतातयसं छुं छुं यात व खँ थम्हं छुं हे मसिउ धयादीगु दु । वंगु गुला ति न्हयः गठन याःगु उगु आयोगया कार्यविधि तकं आः तक मदयेकूनि धासैं वयकलं आः आयोगयात सक्रिय यायेगु खँ गुरुङ वयाचन उकिया वारे थम्हं छुं हे मसिउ धयादिल । विदेश भ्रमणय् भाये-त्यम्ह वयकलं म्हाः 'सन्ध्या टाइम्स' लिसे खँ ल्हासैं थः विदेश लिहां वयेधुंका जक आयोग वारे थप खँ ल्हाये धयादिल । लुमकेवहः जू तत्कालिन माओवादी सरकारं गुरुङया नेतृत्वय् स्वम्हेंसिया राज्य पुनसंरचना आयोग दयेकूगु खःसां आः तक थुकिया बैठक तकं मर्चीन ।



आधुनिक विचार
राष्ट्रिय सार
समाजवाद • राष्ट्रवाद • राष्ट्रियता

युद्ध बुद्धिया पराजयया द्योतक खः ।

वीरलला

संविधानसभाया राज्य पुनसंरचना समिति संघीय नेपा:या नक्सा प्रस्तावित यायेवं उक्रियात कया: थीथी कथंया टिका टिप्पणीत जूगु दु । समिति दयेकूगु श्व नक्सा हनुवा जूगु कारणं आ: राज्य पुनसंरचना आयोग गठन याना: वहे माफत श्व ज्या यायेमा: धइगु स: नं श्व:गु दु । खतुं श्व ज्या राज्य पुनसंरचना आयोग दयेका: हे जक यायेगु खँ न्हापा जूगु ख: । तर न्हाबले नं सत्ता व सरकार बाहेक मेगु छुं हे मखपिं राजनीतिक दलतयसं श्व ज्यायात वास्ता मया: । आ: संविधान-सभां थुकिया नक्सा तयार यायेसातकि धा:सा श्व मजिल, श्व ला आयोग

सम्पादकीय

आयोगं श्व स्वयां

पा:गु नक्सा वी ला ?

यायेमा: धका: आयोग दयेकेगुपाखे व्वायं जूगु दु । देशय थज्या:पिं नेतात दकल्य संघीय नेपा: सफल जुइगु सम्भावना मदु । आयोग गठन यायेमा: धका: श्व इलय माग यानाच्वपिं पार्टी व व्यक्तितयसं थुइकेमा:गु खँ छु ख: धा:सां यदि आ: आयोग गठन याना: राज्य पुनसंरचनाया मेगु नक्सा तयार यात हे धा:सां व नक्सा श्व स्वयां फरक जुइगु सम्भावना धा:सा

तसकं म्हो जक दु । छाया:धा:सां आ: आयोग गठन यात धा:सां उकी च्वनीपिं मनुत विज सिबे नं पार्टीतय 'कार्यकर्ता' जक जुइ । फूक पार्टी थ: मनु तयेमा: धका: दावी याइ व भागबन्दाया हे आधारय आयोग गठन जुइ । जब पार्टीया सिफारिसय उकी मनु नियुक्त यायेगु ज्या जुइ, उमिसं आन्दत: अन बिचा: तइबलय पार्टी ललाइन सिबे पिहां वता: छुं खँ धाई धका: गय याना: पत्या: यायेगु ? खँ मिले मजुया: आखिर अन नं मतदान हे जुइ । अले मतदानपाखे तयार याइगु नक्सा नं श्व स्वयां फरक मजुइगु निश्चित हे दु ।

राष्ट्रिय स्वाधिनताया सवाल

एकीकृत नेकपा (माओवादी) थपिनि आन्दोलन आ: राष्ट्रिय स्वाधिनताय केन्द्रित यानाह:गु दु । थ्यां न्हय: तक माओवादी थपिनि आन्दोलन नागरिक सर्वोच्चताया लागि धका: न्हायाकाचंगु ख: । नागरिक सर्वोच्चता वास्तवय राष्ट्रिय हीत मखुसे हानं सताय वनेगु दाज जक ख: धइगु पुष्टि जुइवं माओवादी वंगु माघ १० गतेनिसें यायेगु धयात:गु आम हडताल स्थगन याना: राष्ट्रियताया आन्दोलन शुरु या:गु ख: । श्व ल्याखं हिला हे जूसां माओवादी सही जंपुइ व:गु दु । छगु प्रतिपक्षी दलं म्हितेमा:गु महत्वपूर्ण भूमिकाय माओवादी व:गु दु । माघ १० गतेनिसें थपिं नागरिक सर्वोच्चताया पुलांगु लंपुइ मखु कि राष्ट्रिय स्वाधिनताया पक्षय खँ न्हाना: न्हय:ने वयाचंगु दु । आ: वया: थज्या:गु ज्यां माओवादी जनताया मन नं त्याकेत स्वयाचंगु खनेदु । माघ १० गते हे नेपाली स्वाधिनता व इज्जतय हे धा: लाइकथं कायम जुयाचंगु सुगौली सन्धि जूगु थाय सिन्धुलीगढीइ सभा याना: माओवादी राष्ट्रियताया पाठ स्वंगु दु । थज्या:गु भिंगु ज्याया लागि हे माओवादी लगायत थीथी राजनीतिक पार्टीतयसं ध्यान केन्द्रित यायेमा:गु ख: । माओवादी यागु थगु ज्यां मेमेगु राजनीतिक दल-तयत नं राष्ट्रिय स्वाधिनताया लागि आन्दोलन यायेत उत्साहित याना विउगु दु । देशय राजनीतिक अस्थिरता कायम जुयाचंगुलिं श्व इलय भारत लगायत थीथी साम्राज्यवादी देशया खुल्ला हस्तक्षेप जुयाचंगु दु । थज्या:गु इलय देय्या दकल्य त:धंगु दल कायम जूगु माओवादी थज्या:गु राष्ट्रिय स्वाधिनताया लागि आन्दोलन या:गु धइगु सर्किसनं प्रशंसा यायेमा:गु ज्या ख: । श्व आन्दोलन न्हायागु राजनीतिक पार्टी न्हायाकूगु ख:सां उक्रियात राष्ट्रिय स्वाधिनताया पक्षय ल्वानाच्वपिं सकले राजनीतिक पार्टी समर्थन मयासे मगा: । थज्या:गु ज्यायात छुं न छुं त्वह तया: विरोध यायेगु वा उक्रियात अपमान यायेगु ज्या सुनां नं याये मजिउ ।



कृष्ण प्रजापति

नेपाली पक्षयात भारतं अन्याय, अत्याचार, शोषण

याइगु इलय नं नेपाली नुग: उलि हे स्या: धइगु खँ भारतीय पक्ष थुइकेमा: । आ: तक नं देशय पूर्वया पशुपति नगरनिसें कया: पश्चिमया कालापानी तक नं भारतीय विस्तारवाद नेपाली भूमि अतिक्रमण याना वयाचंगु दु । सुस्ताय सलसं: हेक्टर बुँ हे त्यला: भारतीय पक्ष नेपाली पक्षयात अन्याय यानाचंगु दु ।

भारतीय पक्षया मन स्याइगु ख:, अथे हे भीगु नेपाली भूमि अतिक्रमण जुइगु इलय नं नेपाली जनताया उलि हे मन स्या: । नेपाली पक्षयात भारतं अन्याय, अत्याचार, शोषण याइगु इलय नं नेपाली नुग: उलि हे स्या: धइगु खँ भारतीय पक्ष थुइकेमा: । आ: तक नं देशय पूर्वया पशुपति नगरनिसें कया: पश्चिमया कालापानी तक नं भारतीय विस्तारवाद नेपाली भूमि अतिक्रमण याना वयाचंगु दु । सुस्ताय सलसं: हेक्टर बुँ हे त्यला: भारतीय पक्ष नेपाली पक्षयात अन्याय यानाचंगु दु । अथे जुया: नं भारतीय पक्षया विरोधय स्वाधिन नेपाली जनता सतक संघर्षय कुहां वयेमा:गु ख: । अथे ख:सां नेपाली जनताया स्वाधिनताया आन्दोलन भारतीय जनताया विरोधय मखुसे भारतीय विस्तारवाद व भारतीय विस्तारवादया हेपाहा व मिचाहा प्रवृत्तिया विरोधय ख: । अथे जुया: नं नेपाली जनता व माओवादी शुरु या:गु राष्ट्रिय स्वाधिनताया आन्दोलन भारतीय जनता स्याना: विभिन्न वनेमा:गु स्थिति मदु । वरु नेपाली जनतां न्हायाकूगु उगु आन्दोलनयात

भारतीय स्वाधिनताप्रेमि जनतां राष्ट्रिय स्वाधिनताया आन्दोलन तायेका: समर्थन व स्वाहालि हे यायेमा:गु खनेदु । राष्ट्रियताया आन्दोलन न्हायाकेगु भवलय एकीकृत माओवादीया अध्यक्ष प्रचण्ड स्वयमं सिन्धुलीगढीया जनसभाय संबोधन यायेवं भारतीय पक्षया न्हय: स्वंगु दु । म्हिना: तक नेपाली जनतायात शोषण, अन्याय व अत्याचार याना वयाचंगु भारतीय पक्ष खुल्ला रुप हे भारतया विरोध याना: स: स्वयेकेवं अन मूपाहा कथं भ्ना:मह प्रचण्डया पुतला च्याकेगु तकया ज्या जूगु दु । खथे ख:सां प्रचण्ड राष्ट्रिय स्वाधिनताया लागि फूककं देशभक्त शक्ति मिले जुया: न्हय:ने वनेमा:गु खँ ल्हायेवं विदेशी उपनिवेशिक शक्तियात छुफ्ना: धारा न्हुइका विउगु दु । सुगौली सन्धि जुइ न्हय: अंग्रेज पक्षया कप्तान किनलोकयात बुकूगु थाय जुया: सिन्धुली ऐतिहासिक महत्व जा:गु थाय ख: । उगु इलय सिन्धुलीगढीइ जक न्यागू थासय युद्ध जूगु ख: । उकी मध्ये स्वंगू थासय नेपा: त्या:गु ख:सा निगू थासय वगु ख: । निगू थासय वुइ थुंका: दरवारं व:मह छम्ह उपाध्याय पुरेत अंग्रेज पक्षयात आपालं जगगा वक्सिस विया: सम्झौता या:गु ख: । थथे नेपाल सरकारपाखे सुं आधिकारिक मनु मवैसें छम्ह पुरेत जक वंगुलिं नं सुगौली सन्धि आधिकारिक मजगु विजतय दावी दु ।

म्हिना: अंग्रेज साम्राज्यवाद यानावंगु असमान सन्धियात भारत स्वतन्त्र जुइवं हे पुनर्विचार यायेमा:गु ख: । आ: वया: दर-वारिया शासनया अन्त्य नाप नाप नेपाल सरकारं थज्या:गु असमान सन्धि सम्झौतात फूककं खारेज याना: निगुलिं पक्षयात सबल याइगु भिंगु सन्धि सम्झौता याना क्यनेमा: । तर आ: तक नं नेपाल सरकारपाखे आधिकारिक रुपं थथे विदेशी नाप जुयाचंगु थीथी सन्धि सम्झौतायात नवीकरण यायेगु खारेज यायेगु वा छु यायेमा:गु ख: अथे यायेगु ज्याय ध्यान तयाचंगु खनेमदु । देशय शीर्षस्थ नेतातयसं हे विदाई विया: सुस्ताय जूगु सीमा अतिक्रमणया अवलोकन या:वनेगु राजनीतिक पार्टीया भातु संग-ठनतय ज्याभवयात हे भारतीय राज-दूतावास व:गु छगु फोनया भरय चांचां स्थगित याईपिं दुगु श्व देशय गथे राष्ट्रिय स्वाधिनताया आन्दोलनयात जनताया हीतय यंके फइगु ख:, व धा:सा स्वये ल्यं हे दर्नि ।

जिगु नं धारयेगु दु

धन्य भी मन्त्रीत

सम्पादकजु, मन्त्रीतयगु लागि धका: दखियात पारित यानात:गु खर्चया बजेट ला खुला मर्दुनिव हे सिधल धा:गु बुखं वने माल । श्व छु पहया शासन जुइ भीगु देशय ? थपिं धा:सा न्हायागु जूसां बास: यायेगु त्वह: चिना: विदेश भ्रमण वनेगु, जनतां हिचर:त हायेका: मुंकात:गु थवापाखे कयात:गु करया दुरुपयोग याना: ला:ला:थे खर्च यायेगु नेतातयगु मछा: मजगु पह: ख: । छु भीगु देशय च्वपिं डाक्टर नसं धा:पिं फूक हे ज्या लगे मजुपिं हे जुल ला ? उपिं खालि जनतायात जक लायेके फुपिं, नेतातयत लायेके मफुपिं हे जुल ला ? थौकन्हय सरकार चले यानाच्वपिं पार्टीतय दुने नं एकता धइगु हे म्दु । उमिसं नं छडी जुया: ज्या याये फयाचंगु म्दु । थ:गु म्हुतुइ छु वल वहे न्ववाना जुइगु यानाचंगु दु व चाहे कांग्रेसया नेता जुइमा व एमालेया नेता जुइमा । मेगु ला छु खं, विपक्षी पार्टी धा:गु माओवादी दुने तक नेतातयसं ला:ला:थे न्ववाना: लिपा उक्रियात हानं मेम्ह नेतां खण्डन यायेमा:गु अवस्था जुयाचंगु दु । आ: ला पार्टी व नेतातय खं मिले जुल धका: जनता हुकक जुइ तर लिपा व मिले जूगु खँ हानं फासांफुसुं जुया: तुरुन्त मेगु ल्वापु पिहां वयेथुंकी । आखिर श्व नेतातयसं जनता जक मखु थ: हे कार्यकर्तातयत गुलि जक भंग: लानाचंगु जुइ ?

- कृष्णमान डंगोल, मखंगाल, तुम्डेबाहा, वै ।

त्रिविधिया विद्यार्थीत

त्रिभुवन विश्वविद्यालय नेपालय स्थापना जूगु देशया हे दकलय न्हापांगु विश्वविद्यालय ख: । श्व स्थापना जूवलय थ्वहे नेपा:या छगूयां छगू जक विश्वविद्यालय ख: । तर आ: थज्या:गु विश्वविद्यालय नेपालय मेमेगु नं दया वयेथुंकल । अय जूगुलिं त्रिविधियात नेपा:या छगूयां छगू जक विश्वविद्यालय धाये मजिल । तर मेमेगु विश्वविद्यालयपाखे उत्पादन जुईपिं विद्यार्थीत उत्कृष्ट जुया: देय्या न्हायागु खलय नं स्थापित जुइ फुपिं जुयाचंगु दुसा त्रिविधिया विद्यार्थीत धा:सा आख: वनेगु सिबे नं राजनीति यायेगु व सडकय वया: टायर च्याकेगु ज्या जक याईपिं जुयाचंगु दु । थौकन्हय छुं नं खंय आन्दोलन जुल, तोडफोड जुल धाल कि व त्रिभुवन विश्वविद्यालयया हे विद्यार्थी जुयाचनी । थौकन्हय त्रिभुवन विश्वविद्यालयया ज्या हे टायर च्याकीपिं व हडताल याईपिं विद्यार्थी उत्पादन यायेगु जुयाचंगु दुसा नेता जुइमा:पिं विद्यार्थीत नं त्रिभुवन विश्व-विद्यालयय हे भर्ना जुया: सुविधा कया: वनेगु सिबे नं नेतागिरी यायेगु ज्या अथ: यानाचंगु दइ । त्रिविधिवं धा:सा थज्या:गु ज्यायात पने फयाचंगु म्दु । थुखेपाखे सरकारं गवलय ध्यान वीगु थं ?

- भेषराज मानन्धर, वै ।

नुगल्य अनेक जिज्ञासा लुयाचनी। लँगु सुगम ज्ञासा जिज्ञासात शान्त जुड। शान्त याथेफड। थाकुड मखु। तर गुलिखे जिज्ञासा शान्त याथे फड मखु। थाकुड। उकुसमुकुस जुया: ल्यना हे च्वनी। नुगल्य थानाच्वनी। जिज्ञासातसें न्ह्यावले समाधानया उपाय पियाच्वनी। अवसर त स्वयाच्वनी। थन जिं विस्कं कथया जिज्ञासा न्हयथने। थ्व जिग्गु निजी जिज्ञासा जक मखयेफु। यक्वसिया जिज्ञासा जुडफु थ्व। थ्व जिज्ञासाया विषयय पक्वस्थां विचा: याड जुडमा। अनुमान, तर्क न्हयाक् जुडमा। गुगु जिज्ञासाया विषय थन जिं तर्क याये, चिउता: क्यने थुकी यक्वस्थां न्हयस: घाना वड। नुगया खुल्दली दइ।

तर्क, अनुमानत ला जुयाच्वनी नुगल्य थुज्व:गु विषययु। कल्पनां अनेक आकार कयाच्वनी। च्व:प्व: मदयेक खंत लुयाच्वनी। प्रत्यक्ष अनुभवया खं जुड मखु। थ्व थये हे ख:। थये हे जुड। तप्यक धाये फडगु मखु। दावा याये फड मखु। सख्वांथित मनूतलिसे स्वापू तया: न्यनेकने याये। व नं उलि अपगु खं मखु। स्वइके न्यने ? छु धका: न्यने ? गयू खं न्हयथने ? हिचकिचाहट जुड। थ्व स्वाभाविक ख:। का म्वा:ल धाये। कस्से जुया: न्यना: ल्व:ते। न्यने। धाडम्हं लिस: विउसा ला ख: ? मविउसा छु याये ? मछा: माँछं तायेका: चिलावंसा छु याये ? छिंमित छाय धका: हक्का ह:सा छु याये ? न्यनेत तयार जुड। म्हतुं लिस: पिकाये

जिज्ञासाया गथ: भचा ब्यं थें जुड

मफुसा जिज्ञासा गयू लंके ? सिउ लें अपु मज्। अयुं सिके मास्ते वड धात्ये छु ख:। उले मास्ते वड। अन्दाज ला जुड याये मफडगु मखु। अनुमान अन्दाजं जक मन लुधंकां मगा:। ख:गु खं हे चूलाके दुसा विश्वसनीय जुड। थौया वैज्ञानिक युगयु।



खँयाखँय
- नरुदिरवर प्रधान

नेता कृष्णप्रसाद भद्रराईन इलय

ब्यलय स्पटीकरण बी। 'सनेमफुम्ह, दने हे मफुम्ह जि थुज्व:म्ह वुद्ध बबुरायात यौन द्वपं बी। स्व थ्व गयू सम्भव जुड ?' थ: यौन तरंग रहित जगु खँ वयुकलं धयादी।

उमेर वनेधुंक्पिनि जीवनी ब्यने य:। मनूतसें धायेफु जीवनीइ निजात्मक खँ जक दइ। कर्पिनी जीवनी स्वयां छु दइ ? तर द: अथे मता:। स्वइगु जीवनी नं गैर निजी खंत यक्व दइ। जीवन, समाज, युगया जिज्ञासातय गथ: फ्यनेत मनूतय जीवनीं स्वाहालि याइ। जीवनी ब्यनेगु सुयां व्यक्तिगत खंया चिवा चर्चा यायेगु जुड मखु। तत्कालिक समय, युगया किच: दइ। मानवीय स्वभाव, मनोविज्ञानया सत्य तथ्य अन खंकेफड। जीवनी ब्यनेगु ज्ञानवर्द्धक जुड। जीवनी हे जुडमा: धइगु मडु। वुद्धवृद्धातलिसे काइगु अन्तर्वातां नं यक्व जिज्ञासातयत सन्तुष्टी बी। इमिगु अनुभव ब्वना:, न्यना: ज्ञां तफा: यायेफड।

तप्यक वना: स्वइके न्यनेगु ? प्रत्यक्ष संवाद याये जिज्ञासाया लिस: लुइके। थये याये द:सा ला जिउगु

ख:। तर सम्भव जुड मखु। अन्तर्वातात स्वये। ब्वने। न्यने। लेख, रचनात स्वये। जिग्गु जिज्ञासा विषय छु दइ ला ? माले। लुइकेत स्वये। वयुक:पिनि अन्तर्वातां, लेख, रचना ब्वने। थ्व विषययु छु ज: हव:गु अनुभव जुड। वयुक:पिं फुक्कं चयुदं पुलेधुंक्पिं। नाजा:पिं। वयुक:पिनि अनुभव जिग्गु जिज्ञासा छु भति राहत अनुभव याइ।

थन जिग्गु जिज्ञासाया विषय जुड ज्याथ:पिनि सेक्स लाइफ। गुलिस्यां धाइ बुरात ल्यायुम्हंत स्वयां नं कामुक जुड। बस, लँगु हुलमुलय बुरातपाखें वचे जुडमा:। बुरा जुडवं गन खतरा-विहीन जुड ? इपिं भं वदमास जुडय:। मौका लातकि...। मिसा मयजुपिसं बुरातयत कया: थये धा:गु जिं ता:। बुरातयगु सेक्स मनोविज्ञान गयू

जुड ? थुज्व:गु टिप्पणी छु भति संकेत याइ। थ्वया अर्थ वुद्धजन फुक्क यौन हिंस्रक जुड। थये धाये फड मखु। धाये जी मखु। मेखेर यौन विशेषज्ञतसें धाइ वेंस वनेधुंक्पिनि यौन शक्ति कमजोर जुडथुंकी। शरीर शिथिल जुड। रासायनिक दृष्टि वुद्धजनतयु यौन रइहीन, फिक्का जुड। खालि ल:

ल: जुडथुंकी। इमिगु स्पर्श यौनिक प्रभाव लाके फड मखु। थने फड मखु। प्रभावहीन जुड। जिज्ञासा लुड। वुद्धतसें सिं मिसातयत थिउसा व यौनहिंसा जुड ला मजुइ ला ? रासायनिक दृष्टि इमिगु स्पर्श प्रभावहीन जुडथुंकी। यौन तरङ्ग उकिं थने फड मखु। थ्व शरीर रसायन विज्ञानं धाइ। वुद्धतय थुज्व:गु शिथिल यौन रसायन स्थितियात छु गथे खंकेगु ? कानूनं थ्वइत छु दृष्टिकोणं स्वइ स्वयेमा:। जिज्ञासाया खं जुड। यौनसेल्स (कोष) कमजोर जुया:, यौन रसायनविहीन जुडथुंक्पिं ज्याथ:तयु यौनिक कृत:यात यौन अपराध धायेफड वा मफड ? वुद्धजनतयु स्पर्श विद्युतीय तरङ्ग मडुगु तार जक ख:। यौन रसायन शास्त्रं धाइ। तार नाइ जुडफु। उकी करेन्ट मडुसा थ्व स्वइतं

आघात याये फड मखु। छु हानी वं याये फड मखु। वुद्धतयु यौन हिंसायात अपराध शास्त्रं गयू स्वइ ? युवातयु यौन हिंसा थें व उतिकं हे दण्डनीय जुड ? घृणित जुड ला ? वा क्षम्य जुड ? सहयु खंकेमा:। नेता कृष्णप्रसाद भद्रराईन इलय ब्यलय स्पटीकरण बी। 'सनेमफुम्ह, दने हे मफुम्ह जि थुज्व:म्ह वुद्ध बबुरायात यौन द्वपं बी। स्व थ्व गयू सम्भव जुड ?' थ: यौन तरङ्गरहित जगु खँ वयुकलं धयादी। तर हालयु भारतया च्ययुन्यादं दुम्ह नांजा:म्ह नेता एन.डी. तिवारीं थगु शयन कक्षयु न्याम्ह नान मिसात लिसे लसपस यानाच्वंगु खँ वड। हल्ला जुड। गभनर पदं वं राजीनामा बी। थुगु उदाहरणं वुद्धतयु सेक्स लाइफबारे मेगु हे चित्रण याइ। अनुमान याकी। उमेरया खँ मखु खनिं। वुद्धजनतयु सेक्स लाइफ नं जीवन्त जुडफु। एन.डि. तिवारीया यौनकाण्ड उदाहरण जुड। 'नयां पत्रिका'यु हालयु सत्यमोहन जोशीबारे छपु च्चसु ब्वना। वुद्ध ईया सेक्स लाइफबारे वयुकलं अन विचा: प्कूगु दु। 'वृद्धावस्थायु प्रत्यक्ष सेक्स म्हा सम्भव जुड। अयुं सेक्सया कल्पनां वुद्धकाल नं मुक्त जुड मखु।' शारीरिक क्रिया स्वया: 'फेन्टासी'या भेषयु सेक्स च्वनी। गुइदं थ्येवुंक्क सत्यमोहन जोशीया धापुतिं वुद्धतयु सेक्स लाइफबारे ज्ञां बी। जिज्ञासाया गथ: छु भचा ब्यं थें जुड।

फोहोरं दयेकात:गु सोफा व खाता

थें(सन्ध्या टाइम्स)/छेंयु उत्पादन जुडगु फोहोरं मुं मव:गु कार ण अस्तव्यस्त जगु राजधानी नकतिनि सफा जुडगु क्रम न्हयात। तर अज्या:गु कपा: स्याइगु फोहोरयात नं स:सा भगीगु थ:गु हे छेंयु व्ययेगु बोला:गु ज्यायु छयले फडगु जुयाच्वन धइगु खँ भाजु राजु खड्कां क्यना विउगु दु।

छेंयु उत्पादन जुडगु अज्या:गु हे फोहोरपाखें दयेकात:गु थीथी हलंज्वलया ब्वज्या राजु खड्कां आ: नकतिनि यात। खड्कां ववरमहलया नेपाल आर्ट कारुन्सिलयु अज्या:गु ब्वज्या यानादीगु ख:।

आर्किटेक् डिजाइनिइ ब्वनाच्वंम्ह वयुकलं अन थीथी फोहोर हलंज्वलं छयला: दयेकात:गु सोफा, खाता, दराज, फ्रेम, टेबुल आदि थेंज्या:गु ज्वलं ब्वयात:गु दु। उगु सामान भनीस अनावश्यक धका: वाछुवगु भन्दागु वाकस, प्लास्तिक, सिंचु, बोरा, बोर्ड मार्कर, थर्माकोल, खरानी व अज्या:गु हे ज्या मव:गु ज्वलं छयला: दयेकादीगु ख:।

वड्छु न्हय: सिद्धार्थ आर्ट ग्यालरीइ वयुकलं थुकिया न्हापांगु प्रदर्शन



फोहोरपाखें थम्हं हे दयेकूगु ज्वललिसें राजु खड्का व मेमेगु ज्वलं।

यानादीगु ख:। च्यादं तक यानादीगु अध्ययनया लिधंसायु फिला विका: वयुकलं थ्व ज्वलं तयार यानागु खँ कनादीगु दु। थज्या:गु ज्यायु वयुक:या छेंज:पाखें नं त:धंगु तिब: प्राप्त जगु दु। भविष्ययु वना: अज्या:गु हे ज्या लगे मजगु वस्तु छयला: छया छें हे दनेगु वयुक:या रवसा: दु।

थम्हं थ्व ज्या यानागुया उदेश्य ज्या लगे मजगु धका: वाछुवयात:गु फोहोर ज्वलपाखें नं थज्या:गु आकर्षक ज्वलं दयेके जिउ धका: क्यना: जनचेतना थनेगु ख: धका: नं वयुकलं कनादिल।

रेडियो मिर्मिरे ८८.८ मेगाहर्ज

नेपालभाषा ज्याइव: भगीगु स:

निर्हीन्हं सुर्यासिया	-	७:००-७:२५ तक समाचार मूलक
निर्हीन्हं वहनी	-	७:५५-८:०० तक समाचारमूलक
आइतवा:निसं बुधवा:	-	१०:००-११:०० तक
मिर्मिरे नेवा:विहिवा:पतिकं सुययु	-	१०:००-११:०० तक नुग:
निर्हीन्हं वहनी	-	८:००-८:३० तक थीथी ज्याभ्व:

न्यनेगु ल्व:मंकादी मते !

श्रम गनं विदेशतर्फ जाँदा तत्काल फाइदा भए पनि दीर्घकालिनरूपमा सामाजिक र आर्थिक विचलन आइपने हुँदा मुलुक भित्रै परिश्रम गर्नु (पसिना बगाउनु) मा नै सबैको भलो छ।

नेपाल सरकार
सूचना तथा सञ्चार मन्त्रालय
सूचना विभाग

हिरा लुं वह

थ्व सकतां कथंया तिसा ज्वलं तयारी न्यायेमा:सा छगुयां छगु जक छिगु पस:

राजेन्द्रकुमार शाक्य

थायमडु, त:खाछें, यें, फोन : ४२५९०३३

सूचना ! सूचना ! सूचना !

यस अन्नपूर्ण प्राकृतिक चिकित्सा योग केन्द्र क्लिनिकले २१ वर्ष पूरा गरी २२ औं वर्षमा प्रवेश गरेको उपलक्ष्यमा आजूँदो फागुण १ गते देखि २९ गते सम्म योग ध्यान प्राणायाम शिविर हुने जानकारी गरौंदाछौं।

हरेक उपचारमा ५०% छुट बिना औषधि रोग निर्मूल पार्ने

- ग्यास्ट्रिक ● उच्चरक्तचाप तथा निम्न रक्तचाप
- मधुमेह ● दमखोकि ● पिनास ● कब्जियत ● ज्वरो
- हात, खुट्टा, कमर जोर्नी दुखे ● अनिद्रा
- मोटापा घटाउने पक्षाघात (प्यारालाइसिस)
- रागत, दिसा-पिसाब जोक्त २५% छुट

बिहान ६ देखि साँझ ५ बजे सम्म खुल्ला रहनेछ।

डा. त्रिदेन्द्र शाक्य

योग प्रशिक्षक - अन्नपूर्ण प्राकृतिक चिकित्सा योग केन्द्र

(क्लिनिक) रक्तकाली, भुङ्खेल चौर
सीट सिमित छ, चाँडे सम्पर्क गर्नुहोला।



वज्राचार्य संरक्षण गुठीया वार्षिक साधारण सभा सम्बन्धी सूचं

शुगु संस्थाया वार्षिक साधारण सभा थव हे २०६६ फागुण ७ गते शुक्रवाः कुन्हु च्वनीग जुगुलिं वसंगुया सकल दुज.पितं पौ छुवया ह्यगु दु। छुक्रथं जुयाः पौ मथ्यंसां थव हे सुचंयात मान्यता बियाः उगु सभास ड्वत कया बिज्यायेत इनाप यानाच्वना। शुगु वार्षिक साधारण सभापाखें न्हुगु ज्यालना पुचःया ल्यज्या (निर्वाचन) जुडुगु जुयाः निर्वाचनय ड्वत कायेगु व वार्षिक सभा सम्बन्धी छुं छें न्येकेने यायेमाःसा क्वय न्ह्यथनापि पदाधिकारीपि नाप स्वापू तया बिज्यायेत नं इनाप यानाच्वना।

स्वापू तयेगु

बुदुरत वज्राचार्य, इवाःबहाः फोन ल्याः ४२३१४८४
सागरमान वज्राचार्य, मंभेबहाः, फोन ल्याः ९८४१२४७३२८, ४३०९१८८
ज्ञानरत्न वज्राचार्य, ओमबहाः, फोन ल्याः ९८४१४२३९००
भुवनरत्न वज्राचार्य, ओमबहाः, फोन ल्याः ४२५२६६३
रोशनरत्न वज्राचार्य, तेबहाः, फोन ल्याः ९८५१०४०५०
वज्रसत्त्व वचन तथा ऋण सहकारी संस्था लि.
कुसुमबिद्यालाठि फोन ल्याः ४२६२३७५

उजंकरथं

सागरमान वज्राचार्य, महासचिव

अमेरिकी क्षेप्यास्त्र परीक्षण असफल

बीबीसी / अमेरिका याःगु क्षेप्यास्त्र परीक्षण असफल जूगु दु। अमेरिकी रक्षा मन्त्रालयं ईरानपाखें जुडुगु सम्भावित आक्रमण बचे जुडुगु निति याःगु उगु क्षेप्यास्त्र परीक्षण असफल जूगु खः।

अमेरिकी अधिकारीतयसं प्रक्षेपण सही जूसं समुद्रया राडार प्रणाली सही ढंगं ज्या मयाःगु व

छुं खराबीया कारणं क्षेप्यास्त्रया निशाना सही ढंगं मजुगु खं धाःगु दु।

‘टारगेट मिसाइल’ नाया वचाउ प्रणालीया उगु क्षेप्यास्त्र क्वालिफोर्निया स्थित वायु सेना अड्डा मार्शल द्वीप परीक्षण याःगु खः। करीब फिन्यागु करोड लागतय दयेकूगु उगु क्षेप्यास्त्र परीक्षण असफल जूसं इरानं चीधंगु

व मध्यम दूरी यायेफइगु क्षेप्यास्त्र प्रहार व खाडी क्षेत्रपाखें जुडुगु सम्भावित खतरायात पनेगु निति अमेरिकं प्रतिरक्षा प्रणालीया विकास यानाच्वंगु प्रष्ट याःगु दु।

अमेरिकं शुगु क्षेप्यास्त्रया परीक्षण इरानं ब्यालेस्टिक क्षेप्यास्त्रय थःपनिगु क्षमता अप्पयेकूगु बारे पेन्टागनया रिपोर्ट पिहा वयेवं याःगु खः।

शुगु ब्यालेस्टिक क्षेप्यास्त्र विशेष यानाः अमेरिका नापं थ्वया सहयोगी सेनायात निति दकल्य अप्पः खतरा जुयाच्वंगु खः। समाचार एजेन्सी इरानपाखें जुडुगु सम्भावित आक्रमणयात ध्यानय तयाः अमेरिकं दकल्य न्हापांखुसी ताःहाकःगु दूरीया प्रतिरक्षात्मक प्रणालीया परीक्षण याःगु खः।

बिचाः हायेका



मदुह काण्छा महर्जन

बुन्हि : वि.सं. १९८८

मदुगु न्हि : वि.सं. २०६६/१०/८

जिमि स्याःन्याःम्ह पासा

रत्नलाल महर्जनया अबु

कान्छा महर्जन

मदुगु थौं भिक्वन्हुया पुण्य तिथिस मदुन्हेसिया निर्वाण कामना यासे थुज्वःगु दुःखद इलय दुःखक्यपिं सकसितं दुनुगलं निसे बिचाः हायेकाच्वना।

भाजु / मयजु अमरराज ताम्रकार

मीना ताम्रकार - वाको, यल।

भाजु / मयजु अमीरमान श्रेष्ठ

रमिता श्रेष्ठ - हात्तिवन, यल।


बिचाः हायेका



बुन्हि :

वि.सं. १९७४

भाद्र षष्ठी



मदुगु न्हि :

वि.सं. २०६६ माघ

१३ गते द्रावशी

मदुहः न्हुछेरत्न शाक्य

जिमि स्याःन्याःम्ह पासा जीवन शाक्यया अबु

न्हुछेरत्न शाक्य

मदुगु थौं न्हयलुया दिनस वसपोलयात सुखावति भुवनस वास लायेमा धकाः कामना यासे दुःखक्यपिं वसपोलया छेंजःपिसं अनित्यया भाव शुडकाः धैर्य धारण याये फयेमा धकाः बिचाः हायेकाच्वना।

रत्नहर्ष शाक्य

रत्नसुन्दर (माइला) शाक्य

आयुवज्र शाक्य

नेशनल शाक्य

सप्तरत्न शाक्य

अष्टरत्न शाक्य

धिरेन्द्रराज शाक्य

सुनिल शाक्य

सुरेन्द्रराज शाक्य

माणिकराज शाक्य

रत्नसुन्दर शाक्य

विजय शाक्य

इन्द्रवर्ण महाविहार, इनावो त्वाः ६ - स्वाप।

स्वर्णिम त्र्यान्मार (बर्मा)

११ न्हं यांगुन माण्डाले बाजान चेइथियो नाप बैकक् या क्षमण



मेगु विस्तृत जानकारीया निमित्त



ललित मण्डप

ट्रामल्स एण्ड टुर्स (प्रा.) लि.≡

मुख्य ज्याकुः हरिहर भवन, पुचव, यल। फोन : ५५४६५०६।

शाखा ज्याकुः दरवार मार्ग, चें। फोन : ८०३९०००।

वेब साइट : www.lalitmandaptravels.com

सीट सीमित जक ल्यं दनि
याकनं स्वापू तयादिसँ।